

Даргала дурхлала хязани

Чибккур — чибккур, г!ярг!яс — мучи, чякас — х!яли, эмх!ес — кьяркья, кьяйс — мура, урчилис — мухъи, иш нушала Мях!яммадлис кьяц!личил к!ема-п!яц!!

* * *

Цацада, к!ик!ида, гургурла, бач!инда, сумида, кьумида, кьадар, пашкьяш, пампаражим парампак!

* * *

Ина-ина, учур-дина, бемгалимса, самалгъажа, дяни-г!уни, чухъи рат!

* * *

Хабар — хабар Хабт!ила, хабарла бут!а Илиясла, бурдиб кьичу Бях!мудла, набтла бач!и Х!ябибла!

* * *

Ак!ади-мак!ади, к!илди-зимир, к!улди-мулди, анк!и – ранк!и, пичла г!елаб мурил хъяр х!ебикибси пькьир сай.

* * *

Ада льякьян — гъай бикъид, гьалцад хяла гъямла иргъид, х!явбуц!ала ц!умла иргъид, ц!ай-ц!ай-ц!ай! Ц!ай мургъила кулеха биркниличила х!ергъид, ц!уб арцла ири-камал диркниличила х!ергъид. Х!ебиалли, гъу, бура: х!ункья бигив, т!ул бигив, т!улкмар Т!ут!и ригив, кулухмар Кайха ригив?

* * *

Ва кьяна, кьяна кьябик!и, кьянала дурх!я ц!ивбик!и, санабил гурда силт!бик!и, Нямзабил г!яра г!емчбик!и, иш дила Гъарунни-чи гъанагарли гъанк! баши!

Айтуби

Гегуг

Гегугли ванзаличирад, царх!илти арцантаниван, шин х!едужа или бурули бирар. Ил анц!букъличила халкълизиб айту лебси саби.

Жявх!ели, ванза дегъси манзиллизир арцанти цаладикили, кьюу буркъес вяг!даладиубли сари. Лерил арцанти х!янчилизи ахъили сари, амма гегуг бак!или ах!ен. Ил багъандан арцантани чула пачалихълизибад гегуг дуг!аили саби. Ил чули дак!ахъибти кьююла шинничи гъамбиахъес батурли ах!ен. Ил багъандан саби, бик!ар, гегуг забла к!унт!рачи аькабирхъуси ва ил-кьяйда сунела милиги ихъахъуси.

Азгъин биъни сабабли, гегуг пукья агарлира кавлуси саби, бик!ар.

* * *

Гъанк1

Гъачам гъанк!ра дяг1ра жалдухъи сари чиди ц!акъсил, чили гушиубси адамлизибад къац! кебасес бирарал или.

Дяг1, шят1бик!ули, к!ухбик!ули саби, адамличи хъямбашули саби, амма гушсилизибад илини ц1ац1али буцибси къац!ла кесек кебасес биубли ах!ен.

Г1ур ил адамличи гъужум барили саби гъанк!ли. Х1янчили вамсахъурси, х!ялагарикибси адам бара къац1-къац!икунмад ускаи сай: ила-ла някъбазибси къац!ла кесек саби-сабил баткабухъи саби.

* * *

Г1ямру

Г1ямру дурт!уси манзил Аллагъ хялизи вик!ули сай:

— Нуни х!ед, хя, 40 дус г1ямрула лугулра. Диуру х!ед илди? Хя бик!ули саби:

—Ва дила чевях!си Аллагъ, се дариша наб илдицаддусми. Рахажличи бигъи, хужаимла арилиуб х1ербируси наб гъал дусла г1ямрура диур.

Илх1ели Аллагъ дугъаизурли сай эмх!ечи:

— Х1едра, эмх!е, 40 дусла г1ямру лугулра. Диур х!ед илди.

Эмх1е бик!ули саби:

—Ва дила дурхъаси Аллагъ, се дариша наб илдицад дусми. Дек1ти духби чедирхъули, г1ярг1я-ч!алалира х!янзанзбанира балхуси набгъал дусра диур.

Г1ур Аллагъ дугъайзурли сай адамличи:

—Диуру, адам, х!еднуни 40 дусла г1ямру гасли? Адам вик!ули сай:

—Ва къудратла вег! Аллагъ, х!ябилра камти дусми лугулри къалли х!уни наб. 40 дуск!ун наб г1якълуличи викес багъандан г!яг!нити сари.

—Х1ебиалли, вик1ули сай Аллагъ, эмх!ели сах!есибти гъалдус гъат!и имц! адирулра. Диуру х!ед илди?

—Илди гъал дуск!ун набдугира х!ерира х!еили, узули, дурх!нира хъайчикабатурли, дурх1нала дурх!нира халабаахъес г!яг!нити сари. Х1ебиалли, — вик!ули сай Аллагъ, — хяли чардарибти гъал дусра х!ед лугулра.

—20 дус хяван гъур-гъур бик!есра, аргъайчи х!ебикибти бяркъесра, илди г1якълуличи бикахъесра г!яг!нити сари.

—Ягъари, инсан, чум дус гъат!и дигулри х!ед?

—Къудратла вег1, х!унинаб сецад дусми гадлира сеннира илди камти сари.

Багыраби

1. Шинк!аси хъулиб ч!умаси багъадур.
2. Ца шинницун дужути, даим куц барсбирути, дяг!ли кьыдадаралли, ц!али т!ут!удик!ути.
3. Лебтас цаван мурталра пишбирхъуси, дуц!рум жявли булх!уси, яни бахъх!и бусуси.
4. Глебшни г!ях!лад дашути, х!еб хъули чардулхъути, Ват!айзи садаибмад сага хъулри лушути.
5. Я бех!бихъуд, я ахир чилилра х!ебаргибси, сунечи гъамик!уцад лебг!еб гъарахъбиркуси.
6. Исбагыи урца хамха, бек! биталли, вазализира башар, хъяб зузбаралли, дурара булхъан.
7. Журуга саби — бацах!ен, цулбар саби — рас ах!ен.
8. Къяшмиагар чархла бег!, бек!ла бух!наб хъябла бег!.
9. Къац!башули, къяббик!ар, селра бергес х!ебирар.
10. Халаси канила бег!, хъябличир някъбала бег!, бахъ умха къакъарла бег!.
11. Лагбях! башес х!ебиран.
12. Ц!яб хъулир х!ердирути, атх!еб сагадик!ути, чарх-бек! дуркъдиаллира, сари жагъли кавлути.
13. Дубуртазиб х!ял хъярхъти, диркъаличир паргъатти, милигбиубти бахес дуги-х!ери гъалакти.
14. Х!ева бук!ул лигала, чарх—бахъ ц!уба иг!яйла, урк!и — бухъут!а рангла.
15. Буг!ярх!ели уфбик!ан, буц!арх!ели — лех!кайхъан.
16. Арцес дуклумиагар, дуц!бик!ес къяшмиагар, булк!ули ита-иша, х!ебашес г!ямалагар.
17. Дуклуми диалра, ил арцан ах!ен, варъа дигахъалра, ил мирхъи ах!ен.

18. Паргъатли баталли, кышмачиб башар, урухбаралли, тапван кабилзан.
19. Дуклуми х!ейалра, закир урцар, дец! х!ебиаллира, дисесра дирар.
20. Бек!агар, кышмиагар, сунес диркахъусилис агурбачил зайбик!ар.
21. Сунени алавла бурцу, саби чилилра х!ебурцу.
22. Сунечи челхъуси чилра х!ейрар, саби биалли чичи-дигара чебулхъан.
23. Ца мерличир делхъ - диран, булхъуцад ц!ерхъка - биран.
24. Дук!лауб хъалила бег!, хъулиб балгундешла бег!, къум-къум или дуч!ути къугъал далуйтала бег!.
25. Азбарлаб х!ербирули, хъа бух!набти балтахъан.
26. Чисалра дигх!ейгуси, лебтас къадарбируси.
27. Дуги-х!ери х!ясратли бурхличи х!ербик!ан, сецад ганзбиралра, гымбук!ес х!ебалан.
28. Бухъут1а саби, сак!убси саби, галгала умхлизиб юртла бег! саби.